

C V D

A T G G

1 6 1 1



H. C. 23

ov 9.1

Libb. med. 14to

~~2 H.~~ 23. V.



**Das Oelum Juniperi
Rectificati.**

**Das Oel von den Wa=
chalderbern.**

**Die tugent vnd Natürliche
wirckligkeyt/des Ols von den Wachal=
derbern/an allen zusatz/vñ von seiner
wesserigen feuchtigkeyt/auch gro=
bkeyt seines erdrichs/gedistil=
lirt vnd rectificirt.**

Item / das Oeleum von den

Wacholderbern / ist hitziger vnd truckner natur / Im dritten grad vñ seine natürliche wirckligkeyt / ime durch die geordnete gewalt Gottes / vermittelst des himels einfluss / leicht in seiner bewegligkeit erschaffen ist / dissoluiren vnd consumiren / das ist zertaylen vnd verzern ꝛc.

Erstlich zertheylet vnd verzert diß öle / inwendig des menschen leybs alle verdecktete vnd vergiffte lufft / vñ alle böse feuchtigkeyt des geblüts / der Colere / der Flegmaten / vnd der Melancoley / die lasset es nicht Faulen / do durch wirdt das hertz sampt seinen lebendigen geystern vor aller amacht / vergiffunge / enthalten vñ preseruirt ꝛc.

Item / so des öles ein tröpflein des morgens mit warmer brühe ꝛc. Auch sonst des tages / auch abents wirdt mit wein oder nach gelegenheyt der zeyt vñ Complexion vnd krancfheyt / mit gedistillirten Ochssenlungen / Rosen / Melissen / oder mit Borrageen wasfern / eingetruncken wirdt / das hilfft für vil krancfheytten dem menschen.

Item / so auch diß Oele mit einem schwam / oder Baumwolle / in einem büchlein von Wacholderbern holtz gedrehet / darinnen verschlossen / stettigs daran zurichen / wirdt für die nasen gehalten ꝛc. Das sterckt fast sehr das gehyrn vnd hertz / vnd die vergiffte lufft mag sie in irer wirckunge nicht zerstören oder verfehren.

Wann aber das erschrockliche feber der pestilentz ꝛc. Wie es yezundt durch verhengnuß Gottes vnser Herrn / besorglichen warlich vmb vnser Sünde willen verhanden / den menschen mit grosser hitze / vnd mit anstossunge der drüssen vnd Apostematen / beslecken würde ꝛc. So soll der Krancke eylend des öle ein quintle schwer / mit Ochssenlungen oder Rosenwasser ein trincken / vnd darnach inn ein pett warm zu gedeckt / gelegt / vnd die drüssen vñ Apostema soll außwendig mit dem Wacholderber öle wol gesalbet werden / Dan das öle zeucht / zerteylt vnd verzert die giffte sampt dem eingenomen öle dem hertzen / welchs ein stül vnd ein anfang vnd ende des lebens ist / vnschedlich / das dan an vil menschen versucht vnd bewert ꝛc.

Wo aber der gebrech des Pestilenzischen febers mit grossen
frost vnd kelte/ mit einem Apostema den menschen anstossen wür-
de/ zuvergifften/ Dann so soll der Krancke eylents das quintle öls
mit Wein oder mit Melissen / oder mit Borrageu wasser gebrau-
chen/ vnd sich außwendig des leybs mit der Salbunge/ wie oben
stehet versorgen / wie mag doch für diese schwere erschrockene
Kranckheyt der Pestilenz/ edeler erzney gebraucht/ noch erfunden
werden.

Dann diß öle vertreybet vnd verzert (des menschen leibs) alle
zufellige Kranckheyt/ Wo es ordenlich vnd inn der zeit gebraucht
wirdt/ Do von die alten erfarnen Meyster der erzney vil geschries-
ben/ als man noch in alten Büchern befindet/ von den Kriechen/
Heyden/ Saracern/ vnd Christglaubige versucht vnd bewert.

Item/ das öle ist vberauß gut

vñ nutzlich/ das man auch die gelegenheit des hertzn/ außwendig
des menschen leyb bestrichen/ vnd damit vngirt werden/ Dan diß
öle durchdringet wirklichen/ durch alles fleisch gebein vnd adern
einzufüren/ krafft vnd stercke/ alle vergiftunge zuuerzern/ Dar-
durch alle amacht vnd schwindel des gehyrns/ hertzens vnd ma-
gens / welche durch vergifste lufft verschwelñ/ vnd verstopffung
der adern mit iren lebendigen geystern erwachsen/ behülfflich ges-
stilt werden.

Item/ das Oleum Curirt stilt alle Febres/ wie die genant/ vier
oder fünff tröpflein mit wein/ oder nach gelegenheyt dir Kranckeie
vnd Complexion/ mit gedistillirten wasser/ morgens vñ zu nacht
wirdt eingetruncken/ vnd außwendig den Magen/ darmit vñ
girt/ bey einer wirme/ das vertreybt Febres.

Item/ das öle purgirt vnd rei-

nigt die Nieren/ vñ zebriecht vnd verzert gewaltiglich den Stein/
wie er genant/ vñ macht sensstiglich harmen/ Vnd die verstopff-
te weg des Harns/ macht es ganghastig/ vnd eröffnet die/ Auch
macht das Oleum von seiner krafft vnd stercke den Stein in des
menschen leyb weych vnd klein zu sand/ welcher dann durch den
Harn leichtiglich an weethün vnd schaden hinweg gehet/ Das
hab ich an meinem leyb versucht.

Item/ des öles morgens vnd abent vier oder fünff tropffen mit gedistillirten Petersiligen wasser ein getruncken/ vnd vmb die lenden vnd forn an den nabel/ bey der wirme darmit gesalbet / vnd in vngirt.

Item / das Oleum von den Wacholderbern/ durchdringet vnd penetrit durch alles fleysch/ flachß vñ glieder/ vñ gepeyn/ macht alle wunden vñ alte scheden heylbar/ vnd ist nützlich vor alle erschrocken vnd erstorbene glieder/ welche durch die gycht vud reysen verfehret worden sein / die macht diß öle rechtfertig vnd gelencke.

Item/ das öle ist vberaus gut / wer ein bösen magen hatt von unreinigkeyt der Slegmaten/ vnd die speysß nicht dāwen noch verzeren mag / da von dann die dünst vnd breiden auffriecken ins Haupt/ Vnd etliche menschen sagen/ mir ist nichts/ allein mein kopff thut mir wee ꝛc. da von die böse feuchtigkeyt gepirt/ vnd bringen dann flüsse/ Vnd solche flüsse fallen ettlichen menschen auff die brüst vom Haupt / ettlichen inn die arme / eines theyls inn die peyn vnd füsse ꝛc. Dardurch dann die gelieder inn henden/ armen/ vnd füssen Contract werden/ Vnd welcher mensch dann damit beladen/ vnd mit solcher krankheyt beschwert ist/ der neme vnd gebrauche dieses öle vier oder fünff tröpflein mit warmem wein/ auch im essen morgens vnd abents / vnd mit dem öle außwendig den Magen wol gesalbt / etlich mal nach einander/ Dan das öle erweycht vnd macht außwendig die angelegte zehe der Slegmaten/ vnd macht den menschen widerumb lustig zu essen/ trincken / schlaffen/ vnd den Magen wider rechtschaffen/ gepirt vnd gibt jm widerumb seine natürliche hitze ꝛc.

Item / das Oleum von den Wacholderbern/ ist fast sehr nützlich zugebrauchen den menschen die in den geliedern Contract sein/ Die nemen dieses öle vier oder fünff tropffen mit wein / vnd nütze das auch im essen abents vnd morgens/ vnd auch außwendig die lammen vñ contracten glieder bey einer wirme wol darmit geschmirt/ vnd gesalbet/ Das macht das erschrocken/ erkalt/ vnd geschwunden marck wider wachssen/ vnd gibet jm wider seine natürliche hitz/ Vnd macht auch die erkrumpten glieder vnd adern gantz gelenck vnd gerad ꝛc.

Item/das öle vertzert vnd vertreybet die Gele sucht/die Wasser sucht/vñ zitterung der glieder/vier oder fünff tröpfflen gebraucht darnach in ein schweyßbad gegangen/ vnd aussenwendig allenthalben am leybe mit diesem öle in der wirme wol geschmirt / vnd in vngirt/Auch im essen vnd trincken gebraucht etlich mal/ Das vertreybt vnd vertzert die oben gemelten krankheyt.

Item/das Oleum vertreybet vnd vertzert das Podagra/das ist das Zyperlen/zu rechter zeyt gebraucht/ auch im essen vnd trincken/vnd in gedistillirten wassern eingenommen/ vnd ausswendig das Podagra damit wol gesalbet zc.

Item/wann ein mensch Apo-
stema oder Geschwer am milz/lungen vnd lebern hette zc. Der neme vnd gebrauch diß öle drey oder vier tröpfflein im essen vnd trincken/vnd ausswendig den leyb wol mit gesalbet in der wirme etlich mal/das vertreybt alle geschwürre/inwendig im menschen/Dann es let nicht Faulen/vnnd weret aller feul/ so sie im menschen verhanden sein zc.

Item/das Oleum gebraucht im anfang des Aufsatx / vnd für das auf lauffen des bauchs/vñ des kalten harms/das vetreybt es.

Item/das öle von den Wacholderbern/ Ist gut vnd nützlich zu gebrauchen für die schwere krankheyt des fallenden sichthums mit Rospen/Weyenblumen/od mit Lindenblüt wasser gebraucht vnd eingenommen/das vertreybet es gewaltiglichen/vnd ich habs versuchen lassen.

Item/das öle ist versucht vñ bewert für die Feygwarzen/ oder für die Feygblattern/damit gesalbet/ die vertreybt es.

Item/ alle erkrumpte glieder
durch verschneydung/verstopffunge/oder sonst gycht tadelhafft/damit gesalbet/die macht es wider rechtschaffen/von seiner kressse vnd stercke wegen/Vnd vertreybet die gycht vñ das reyssen zc.

Item/das Oleum vertreybet vñ stilt den grimmen/das ist die mutter/vier oder fünff tröpfflen in leyb genommen/vñ ausswendig den Nabel bey der wirme wol damit gesalbet/ versteet dauon / Auch vier oder fünff tröpfflen auff gebehtem brot/ also eingenommen/vnd gebraucht/ hilfft für solche krankheyt.

Item/ für das stechen in der Seytten/ welchs ein schwere Kranck-
heyt ist/ Hab an mir versucht vnd bewert/ hilfft eygentlich da für/
Des öles drey oder vier tröpfflein in wein genomen/ vnd außwen-
dig an der Seytten da dir wee ist/ damit geschmirt vnd gesalbet/
es vergehet dir daruon/ vnd hilfft.

Item/ für die Zeen weethunge / dis öle in ein wenig Baumwol
gethan/ vnd auff die Zeen/ da der weethunge ist/ gelegt/ Es hilfft.

Item/ des Oleum ein quintlen in warmem wein eingenomen/
Welcher mensch das durchlauffen/ oder den Koten wee hat/ der
neme rot Lychenlaub wasser/ das recht distillirt ist/ ein wenig/ thū
darein vier oder fünff tröpfflein dis Oleum/ vnd trinck es/ vnd
schmir außwendig den Magen vnd Nabel damit/ das thū etlich
mal/ Das hilfft dich gewißlich/ dann ich hab es versucht.

Item/ das Oleum ist vberaus gut/ vnd bewert/ für die Nere
Kranckheyt/ die man nennt die Englische schweyßsucht/ dieses
Oleum ein quintlen schwer eingenomen/ Dann ich auff einen tag
Neun personen damit geholffen hab.

Item/ das Oleum ist sehr gut / vnd zum öftermal versucht /
vnd bewert/ für die Kranckheyt Menstrum/ Den Frawen/ welche
ire Kranckheyt zuuil haben/ Müssen vil daran sterben ꝛc. Item/
des Oleum fünff oder sechs tröpfflein in warmem wein genürt/
vnd getruncken/ vñ außwendig den Nabel damit gesalbet/ etlich
mal/ So verstehet jr dieselbige Kranckheyt/ Menstrum genannt
an allen schaden. Dann dieses öle stillt alle flüsse dem menschen/
vnd verzert die/ vnd erwermet die kalte der Frawen/ vnd mache
sie reyn vnd rechtschaffen/ dauon sie dan leichtiglich entpfangen
Ist warhafftig bewert vnd versucht.

Item/ welchem menschen von den flüssen auß dem Haupt fals-
len in das Gehöre/ dauon man denn das gehöre verlust ꝛc. Der
neme dis öle vier oder fünff tröpffle/ wann er auß dem bade geht/
Vnd also in die ohren getrauffet/ etlich mal nach einander/ Auch
die Styrn oder geschlagen/ Vnd von dieser Erzney kömet das
verloren Gehöre wider/ Dann das öle vertreybet/ vñ verzert alle
flüsse des menschen.

Item/ welcher mensch jung oder alt/ die würm in dem Bauch
oder im leybe hatt/ Der neme dis öle drey oder vier tröpfflen nüch-
tern/ abents vnd morgens/ vnd außwendig den Nabel damit ges-
chmirt/ die würme sterben daruon/ vñ können bey dem menschen
nicht bleyben.

Item/das öle von den Wacholderberren/ist vberauff gut/ versucht vnd bewert/ für alle Flechten der menschen / am leyb/ an henden/füssen/vnd wo es am leybe sey/ Vnd sonderlich vnter dem Angesicht/ welchs lentigo faciei genant wirdt / mit diesem öle / wann man auß dem bade gehet/ die Flechte in der wirme damit wol gesalbet vnd geschmirt / Auch abents vnd morgens also genützet/ vnd gebraucht/das vertreybet die geflechte allenthalben/ etlich mal nacheinander gebraucht/habs an vil menschen bewert Dann diß öle zeucht auß von außwendig alle geschwulst/die röte Vnd vertreybet die hitzblattern.

Item/ das Oleum von den Wacholderbern / Ist auch güte welchen menschen/der dann vil seind/ den der Athem reucht vnd stinckt/diß Oleum vier oder fünff tröfflein/ auff gebehtem brot/ abents vnd morgens gebraucht/ vnd in leyb genomen etlich mal/ der Athem wirdt dauon wol riechen/ vnd schmecken/ Mir hat der Athem ein langs zeyt vbel gerochen/ vnd hab den geruch vnd stancf mit diesem öle vertrieben / vnd an mir selber versucht vnd bewert/Auch diß öle in Wein genützet/ es hilfft.

Item/wan einer ein Fehl in einem Aug hett/ Der thü dieses öls ein tropffen in das Aug/morgens vnd abents/ Er soll auch nicht an den lufft gehen/ Das thü so lang biß das Fehl verzert ist.

Item/diße öle in der Summa/ vertreybet vnd verzert alle zufelliche krankheyten/des menschen/mit der hülfße des obristen Arzts vnser lieben Herin Jesu Christi/ Derhalben ist es auch für alle andre öle dieser welt zu lieben/Auch für einen natürlichen Balsam Teutscher nation zuhalten/welchs von vilen alten erfarnen Meis tern der Ertzney beschriben vnd probirt/ Vnd Gott hab lobeglich in erfahrung komen seiner tugent/ Amen.

Auch so wirdt auch eine künstliche Latwerge auß der quinte essentiam der Wacholderbern / vnd etzlichen andern Aromaten/ vnd materialien zc. Des morgens frü / vnd auß die nacht einer Welschen nuß groß gebraucht. Die Latwerge ist vber auß güte für das böse vergiffte Wetter im gebirge / für den Husten / kalten dampff/brustwee/ vnd sterckt das gehyrn vnd hertzen/ vñ temperiert die sinnen / behüt das gesicht/ vertreybet die Tobigkeyt/ vnd reyniget die brust/ vnd vertreybet die vergiffte lufft der Pestilenz/ sterckt fast den magen/macht die speyß wol dāwen/zerbricht den stein/vertreybet die schnupffen/vnd ist güte für alle krankheyten vñ vnters / vnd macht einen wolriechenden Athem zc.

Faint, illegible text, likely bleed-through from the reverse side of the page. The text is arranged in several paragraphs and is significantly faded and obscured by stains.



153980


AB: 153980

3
ULB Halle
002 165 090


TA 70L

153980





Das

Das

Die tug

wirckligke

derbern/

wesserig

bikeyt

eri

be

